

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 17.01.2019թ. թիվ 1909001286 որոշման հիմքում դրված փաստական հանգամանքների դեմ բերված գանգատն առանց բավարարման թողնելու մասին

<<12>> 02 2019թ. 17-13 10194-19/17-13 630 ք. Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Վրեժ Պողոսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Դավիթաշեն 2-րդ փողոցի 16-րդ տան բնակիչ Վրեժ Պողոսյանը դիմումով հայտնել է, որ <<FORD>> մակնիշի 08LO024 հաշվառման համարանիշի տրանսպորտային միջոցը վարել ինքը, ուստի խնդրել է անվավեր ճանաչել տվյալ ժամանակահատվածում կատարված երթևեկության կանոնների խախտման համար կայացված Ճանապարհային ոստիկանության վարչական տույժ նշանակելու մասին 17.01.2019թ. թիվ 1909001286 որոշումը՝ նշելով, որ իրավախախտումը կատարել է անուշադրության հետևանքով:

Վարչական իրավախախտումների վերաբերյալ << օրենսգրքի 286-րդ հոդվածի 1-ին մասի համաձայն՝ Վրեժ Պողոսյանը ճանաչվել է որպես իրավախախտում կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ դիմումատուի փաստարկն անընդունելի է և վարչական ակտը բեկանելու հիմք չի կարող հանդիսանալ, քանի որ Ճանապարհային ոստիկանության վարչական տույժ նշանակելու մասին 17.01.2019թ. թիվ 1909001286 որոշման հիմքում դրված տեսանյութից հստակ երևում է, որ 25.12.2018թ. ժամը՝ 12:31-ին Երևան քաղաքի Հրազդանի կիրճ - Հալաբյան - Արզումանյան փողոցների խաչմերուկի հատվածում այլ տրանսպորտային միջոցները կանգնած են լուսացույցի արգելող ազդանշանի ներքո, իսկ դիմումատուի վարած տրանսպորտային միջոցը չի ենթարկվում այդ ազդանշանին՝ առաջ անցնելով նրանից:

Ինչ վերաբերվում է դիմումատուին այն պնդմանը, որ իրավախախտումը կատարել է ոչ դիտավորյալ, ապա հարկ է նշել, որ Վարչական իրավախախտումների վերաբերյալ << օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սեփականության, քաղաքացիների իրավունքների եւ ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անզգույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն, հետևաբար ակնհայտ է, որ անկախ անձի կողմից մեղքի ձևի դրսևորումից (իրավախախտում թույլ տվող անձը) Վարչական իրավախախտումների վերաբերյալ << օրենսգրքի համապատասխան հոդվածի դիսպոզիցիայով նկարագրված արարք կատարած անձը, պետք է ենթարկվի վարչական պատասխանատվության Վարչական իրավախախտումների վերաբերյալ << օրենսգրքի համապատասխան հոդվածի սանկցիայի շրջանակներում:

Ավելին, մեղքը դա անձի հոգեկան վերաբերմունքն է իր կատարած արարքին և դրան հաջորդող հետևանքին, որը կարող է դրսևորվել, ինչպես դիտավորությամբ, այնպես էլ անզգուշությամբ, ինչի պարագայում Վարչական իրավախախտումների վերաբերյալ <<

օրենսգրքի իմաստով որևէ նշանակություն չունի, թե կոնկրետ արարքը վարորդը կատարում է այն պատճառով, որ հստակ գիտակցում է, որ դա խախտում է և դիտավորությամբ կատարում է, թե այն պատճառով, որ վարորդը գիտակցում է, որ այդ արարքը արգելված է օրենքով, սակայն ինքնավստահորեն հույս է ունեցել, որ դրա հետևանքները վրա չեն հասնի և թե այն պատճառով, որ վարորդը չի գիտակցել իր գործողության հակաիրավական բնույթը, սակայն կարող էր և պարտավոր էր գիտակցել այն (Վարչական իրավախախտումների վերաբերյալ ՀՀ օրենսգրքի՝ հոդված 11) զանցակազմի սուրբեկտիվ կողմ:

Այսպիսով, դիմումատուի արարքում Վարչական իրավախախտումների վերաբերյալ ՀՀ օրենսգրքի 124.3-րդ հոդվածի 2-րդ մասի զանցակազմն ակնհայտ է, հետևաբար նրան վարչական պատասխանատվության ենթարկելու մասին որոշումն իրավաչափ է և օրինական:

Ելնելով վերոգրյալից, ղեկավարվելով Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասով և 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Վրեժ Պողոսյանի՝ Ճանապարհային ոստիկանության վարչական տույժ նշանակելու մասին 17.01.2019թ. թիվ 1909001286 որոշման հիմքում դրված փաստական հանգամանքների դեմ բերած գանգատը թողնել առանց բավարարման:
2. Հանձնարարել ՏՄՀԽԱ կենտրոնին, Վրեժ Պողոսյանի անվամբ կայացնել նոր վարչական ակտ:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Վրեժ Պողոսյանին և ՃՈ ՏՄՀԽԱ կենտրոն:



Ե. Կարապետյան